



G Georgius ille in Vallesia natus atq; educatus fuit. Erat is magna corporis & animi fortitudine præditus. Itaq; breui magnam autoritatem nactus est. Cum autē eo tempore Sfortiæ duces Mediolanenses grauiſſimum bellum gererent cū Gallia regibus, is sese Sfortijs adiunxit, atq; sua uirtute mirum in modum ipſorum partes fouit & cōseruaui. Deinde uerò cum Heluetij post cruētam illam circa Mediolanum pugnam cum Francisco Frācorum rege anno 1515 fœdus iniſſent, Georgius Gallias partes secutus, res multas magna fortitudine præclare gessit. Itaq; eques auratus creatus, atq; multis stipendijs annuis donatus fuit. Vnde factum ut in

patriam reuerſus multis honoribus & diuitijs auctus, principis inſtar familiã nutrit, atq; locum Glyſ multis ædificijs exornaret. Habuit is pulcherrimam uxorem, ex qua 12 filios & 13 filias progenuit: id quod in templo quodã ab eo constructo cernere licet. Ibi enim aureis literis ad mirabilem picturam, qua ipse cum uxore & liberis ad uiuum exprimuntur, in pariete hæc inſcriptio extat: S. Annæ diuæ uirginis matri Georgius Superſaxo miles aur. hanc Capellam edidit, anno salutis 1519. Altare fundauit & dotauit iure Patron. heredibus ſuis reſeruato, cum ex Margareta uxore natos xxiiij genuiſſet.